



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCLXXXVIII. Tyrannicida filiorum duorum.

urn:nbn:de:hbz:466:1-12889

cii non optaverim. Optavi vitam, puta, nocentis, sed fratris, alieni quoque juvenis æqualis mei misertus fuiffem: subiiffet illa cogitatio infelicis hujus parentis. Non tam reprehensione dignus est defertor, quam laude vir fortis. Post hoc objicis mihi, quod de innocentia tua nihil timui; sciebam quomodo vixiffes, quomodo tuam causam egiffem. Ego enim domum nostram in acie defendi: accedit, quod qui semel delatus est reus, non potest absolvi, nisi accusetur: omnes dixiffent, 'causæ patris diffidiffet vir fortis. Nihil aliud egiffem quidem: & quid futurum erat? si impetrassem, damnareris. Adfui tibi: non imputo: neque enim tu ideo absolutus es? vicit causa, vicit innocentia. Ego nihil imputo, nisi quod bene speravi de causa tua. Ecquid igitur, pater, gratularis tibi? omnes salvi sumus: nam de fratre noli desperare? Sæpe rediere virtutes: jam domi habet exemplum. In periculo mortis fuit: scit, quale sit deserere, quale fortiter facere: denuntio tibi, frater, tollas ignominiam.

CCLXXXVIII.

Tyrannicida filiorum duorum.

Qui duos filios tyrannos occiderat, petit præmii nomine, ut tertius in exilium proficiscatur.

S E R M O.

INDUBITATE pater hic timet, ne & ille tyrannus fiat: sed non debet illum facere suspectum, alioqui reus erit: non mittetur autem in exilium suspectus. TYRANNICIDA OPTET QUOD VOLET. Prima illa communia nihil excepit: illud proprium, plus deberi huic tyrannicidæ, qui, senex duos, & filios occiderit: invidiosum itaque erat, si quid perisset pertinens ad gratulationem.

DECLAMATIO.

TYRANNOS genui: nunc opto, ut filius exulet. Quod mihi & citra præmium licebat, hoc & pro præmio peto,

¹ Cause patris diffidiffet.] Lege: Omnes dixiffent, Cause patris diffidit vir fortis. Nisi malis, diffidit ecce. Idem.

peto, & pro ipso juvene. Nihil dico de fato domus nostræ, non persequor rationem quoque metus mei: illud interim contentus sum, dicere, Supervacui sunt metus, nihil imminet: sed & spectat ista plerumque sapientia gravior. Quid tu accidere credis illis, qui liberos habent? quid maritis? pater timeo. Sed rationem metus habent: sive ut maxime vereor fatum istud est domus nostræ. Ignosces enim quod filios meos ultra mortem persequor: nihil de illo timui, qui primus tyrannus fuit: iisdem præceptis erat educatus, quibus tu: illo occiso timere non debui, ne quis ex vobis idem cogitaret: occupavit tamen arcem alter, non in totum sua culpa difficile fuit obstare illis, qui convenerant tyranno priore, & velut ad hæredem. Non potes tutus esse in ea civitate, in qua timeris. Nihil cogitasti: timeo, dum innocens es; vereor, ne si quis te occiderit, videatur tyrannicidium fecisse.

CCLXXXIX.

Amator filie.

QUI CAUSA MORTIS FUERIT, CAPITE PUNIATUR. Speciosam quidam filiam de amore confessus, amico dedit servandam: & rogavit ne sibi redderetur petenti: post tempus petit: non accepit: suspendit se: accusatur amicus quod causa mortis fuerit.

S E R M O.

CUSTODIENDA est amici persona, ut quanquam de re nefaria, non tamen sine respectu amici loquatur, & actione tota misereatur illius. Illud vero, quod periit laudet, & magis desperatione eum fecisse dicat, quam cogitatione turpissimi amoris.

D E C L A M A T I O.

ANtequam dico, quo crimine reus sim, dicendum est, cui dicar fuisse causa mortis. Periit amicus meus, non esse hoc vulgare nomen, ipse monstravit. Hunc igitur occidisse

¹ Sed & spectat.] Vet. Cod. sed expectat. Et paullo post, illis quæ convenerant. Pithæus.